

17 սեպտեմբեր 2019թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 019802 /05
ՎԱՐՉԱԿԱՆ ՎԱՐՈՒՅԹԸ ՎԵՐԱԿԱՅԵԼՈՒ ԵՎ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս. ուսումնասիրելով 17.09.2019 թվականի թիվ 19802 վարչական իրավախախտման վերաբերյալ արձանագրությունը. քննելով թիվ 19802 վարույթը և կից նյութերը.

ՊԱՐԶԵՑԻ

Համաձայն հարկային մարմնում առկա անձնական հաշվի քարտի տվյալների «ՄԱՎԱՎ» ՍՊԸ-ի (ՀՎՀՀ՝ 00918331, հասցե՝ ՀՀ ք. Շիրակի 7/2 28) հարկային պարտավորությունները 24.05.2019թ-ի դրությամբ կազմել են 301.468 դրամ. որից 284.516 ՀՀ դրամ գումարն առաջացել է 2019թ-ի ապրիլ ամսվա եկամտային հարկի հաշվարկից: 2019թ-ի ապրիլ ամսվա եկամտային հարկից առաջացած 284.516 ՀՀ դրամ հարկի գումարը «ՄԱՎԱՎ» ՍՊԸ-ի տնօրեն Ռոբերտ Խաչատրյանի կողմից ՀՀ Հարկային օրենսգրքի 158-րդ հոդվածի 1-ին մասով սահմանված ժամկետում չի վճարվել. որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 170³ հոդվածով:

Վարչական վարույթի շրջանակներում Ռոբերտ Խաչատրյանին փոստային ծառայության միջոցով հասցեագրվել է ծանուցագիր՝ վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ: Նկատի ունենալով. որ ծանուցագրի ստացման փաստը հավաստող ապացույց առկա չէ և ՀՀ ՊԵԿ իրավաբանական վարչության պետի կողմից 19.07.2019 թվականին կայացվել է վարչական վարույթը կասեցնելու մասին որոշում՝ համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի:

Նշված փաստի հիման վրա Վարչական իրավախախտումների վերաբերյալ ՀՀ օրենսգրքի 170³ հոդվածով նախատեսված պատասխանատվության միջոցը կիրառելու հարցը քննարկելու նպատակով ձեռնարկվել են համապատասխան միջոցներ:

Պատշաճ ծանուցված լինելով արձանագրության կազմման. գործի քննության վայրի և ժամանակի մասին. ակտի հասցեատերը չի ներկայացել: Գործում առարկություն կամ բացատրություն առկա չէ:

Գործի քննության ընթացքում հայտնի է դարձել. որ «ՄԱՎԱՎ» ՍՊԸ-ի չկատարված հարկային պարտավորությունները՝ 24.06.2019թ-ի դրությամբ կազմել է 267.125 դրամ. որից 266.327 ՀՀ դրամ գումարն առաջացել է 2019 թվականի մայիս ամսվա եկամտային հարկի հաշվարկից. նշված պարտավորությունը Ռոբերտ Խաչատրյանի կողմից համաձայն ՀՀ հարկային օրենսգրքի 158-րդ հոդվածի՝ սահմանված ժամկետներում չի վճարվել:

Այն փաստը, որ Ռոբերտ Խաչատրյանի կողմից վերջին մեկ տարվա ընթացքում թույլ է տրվել իրավախախտում /20.06.2019թ. թիվ 012628/05 որոշում/, սույն գործով դիտվում է որպես պատասխանատվությունը ծանրացնող հանգամանք:

Ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով. 34. 244² 281 հոդվածներով և 282 հոդվածի 1-ին մասի 1-ին կետով՝

ՈՐՈՇԵՑԻ

1. Ռոբերտ Խաչատրյանի վերաբերյալ հարուցված թիվ 19802 վարչական վարույթը վերսկսել:

2. Համաձայն Վարչական իրավախախտումների վերաբերյալ ՀՀ օրենսգրքի 170³ հոդվածի՝ Ռոբերտ Խաչատրյանի նկատմամբ կիրառել վարչական տույժ՝ նշանակել տուգանք 20.000 (քսան հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա. ՄԱՅԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝ Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40) Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում. իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305. մաս 1) գանձապետական հետևյալ հաշվեհամարներին. **900005240487՝ տուգանքի 70%. 900013000246՝ տուգանքի 30%** վճարման անդորրագրի <<նպատակ>> դաշտում պարտադիր նշելով որոշման համարը: Տուգանք ընշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Ստացա որոշման պատճենը _____